



## СИБЭТИЭЙ ПЕТР АПОСТОЛ БАСТАКЫ ИЛДЬИТ СУРУГА

**1** <sup>1-2</sup>Атын дойдуларга кый бырах тарғанан, Понт, Галатия, Каппадокия, Асия уонна Вифиния сирдэригэр олорооччуларга, Аға Танара эрдэттэн анаабытынан, Тын сибэтий гынытынан, Иисус Христоһу истэргэ уонна Кини Хаанынан ыраастанарга талыллыбыттарга бука барыларыгар – Иисус Христос Апостола Петртан.

Эниэхэ бары илгэлээх үтүөнү қытта эйэ-ил үүнэ-үксүү туруохтун!

### *Тыннаах эрэл*

<sup>3</sup>Иисус Христоһу өлбүттэртэн тилиннэрэн, мунура suoх үтүө санаатынан биңигини сангалыы төрөппүт Танараа, Айыы Тойоммут Иисус Христос А҃ятыгар, алгыс буолуохтун! Биңиги онтон тыннаах эрэллэнэммит, <sup>4-5</sup>эниэхэ, Танара тиңэх кэмнэ арыллыахтаах быынабылга анаан сүдү күүһүнэн арангаччылыыр дьюнугар, бэриллэрдии халлаангна ууруллубут, сүпшэт-симэлийбэт, ыраас кэхтибэт нэһишиэстибэй тиксэрбитин кэтэхэбит. <sup>6</sup>Итэхэлгитин тургутар араас ыарахаттартан быстах кэмнэ эрэйдэнэр да эбит буоллаххытына, эниги ол кэнэбэс кэлэри өйдөөн-санаан үөрэр-көтөр буолунг. <sup>7</sup>Уотунан ыраастаннар даңаны, син биир кэбириир-алдъанар хайа да қыыл көмүстээбээр эниги тургутууну ааспүт итэхэлгит ордук қүндү буолан тахсыахтаах. Оччою эниги Иисус Христос кэлэр Күнүгэр Кини хайжалын ылыххыт, үрдүк чиескэ, албан аакка тиксиэххит. <sup>8-9</sup>Эниги Кинини көрбөтөргүт да, таптыыгыт, билингнэ диэри көрө илик да буолларгыт, итэхэйэбжит, уонна итэхэлгит соругун – дууһаңыт быынанарын – сити-хэн, киһи тылынан кыйайан эпшэт улуукан үөрүүтүн үөрэбжит.

## 1 ПЕТР 1

<sup>10</sup> Эхиэхэ анаммыт илгэлээх үтүөнү төлкөлөөбүт пророктар бу бывынабылга сиыланнаацы барытын ымпыгар-чымпыгар тийэ үөрэппиттэрэ, <sup>11</sup> кинилэргэ баар Христос Тыны Кини эрэйи-мунгу көрөн баран, албан аатырыахтаацын төлкөлүүрүгээр ханых уонна хайдах кэми эппитин инэн-тонгон чопчулаабыттара. <sup>12</sup> Урут кинилэр тугу өтө көрөн эппиттэрэ (ону билигин – Евангелиене инигиннэрэд дьонунан – халлаантан ыытыллыбыт Сибэтий Тыны эхиэхэ биллэрбитэ) – ол барыта бэйэлэрин эрэ тустарыгар буолбакка, эниги тускутугар буоларын Танара кинилэргэ арыйбыта. Бу кистэлэнги бэл халлаангна баар Ааньяллар кытта өнгөйөн көрүөхтэрин бацааллар.

### *Сибэтий олоххо ынгырыы*

<sup>13</sup> Онон өйгүүн-санаацытын түмүнэн, сэргэх сылдьан, Иисус Христос эргиллэн кэлэригэр эхиэхэ бэрилиэхтээх илгэлээх үтүөбэ бигэтик эрэниг. <sup>14</sup> Истигэн оёжолор буоларгыт бынтынан, урут Танараны билбэт кэмнитинээби дьяллыккытынан салайтарыман, <sup>15</sup> энигини ынгырыбыт Сибэтий холобурунан бэйэбйт эмиэ тугу гынаргытыгар барытыгар сибэтий буолунг. <sup>16</sup> Суруйууларга «Мин сибэтийбин, онон эниги эмиэ сибэтий буолун» диэн этиллэр.

<sup>17</sup> Оскотүн эниги хас биирдии киини, кимиттэн-тугуттан тулууга suoх, тугу онгорбутунан көрөн дьүүлүүр Судьуйаны Ажабыт диир буоллаххытына, бу сирдээби олоххут кэмин Киниттэн толлон-торуттан туран атаарынг. <sup>18</sup> Билэргит курдук, эниги өбүгэлэргиттэн утумнаабыт сүпсүктээх олоххутуттан алдъанар-кэбираир үрүн да, кыыл да көмүскэ атыылаыллыбыт буолбатаххыт, <sup>19</sup> ханых да энгилэ suoх ыраас Агнец курдук буолбут Христос күндү Хаанынан толуйуллан ылыллыбыккыт. <sup>20</sup> Кини өссө аан дойду айыллыан инниттэн ананан, эниги тускутугар бу ти-хэх кэмнэг кэлбите. <sup>21</sup> Кини баар буолан, эниги Кинини өлбүт-тэртэн тилиннэрбит, албан аатырдыбыт Танараны итэбэйэнгнит, итэбэлгит да, эрэлгит да – барыта Танараңа түмүллүбүтэ.

<sup>22</sup> Онон, ырааттарыам, кырдыкка Тыны көмөтүнэн\* истигэн буолан, дуунаацытын ыраастанан, ырааттыы дьонгнугутун өрүү ыраас ис сүрэххиттэн таптаан. <sup>23</sup> Эниги өлөр-сүтэр сиэмэйттэн

\* 1:22 Тыны көмөтүнэн – сорох быллыргы гректии илинэн суруйууга бу тыллар suoхтар.

## 1 ПЕТР 2

---

буолбакка, өлбөт-сүппэт сиэмэйтэн – Тангара үйэлэр тухары тыыннаах тылыттан хат төрөөбүккүт. <sup>24</sup> Суруйууларга этиллэр: «Кини аймак – от кэриэтэ, кини албан аата – сибэкки кэриэтэ: от хагдарыйа хатан, сибэккитэ иннэн түнэр, <sup>25</sup> оттон Айыы Тойон тыла үйэлэр тухары өлбөт-сүппэт». Бу эниэхэ иһитиннэ-риллибит Евангелие туунан этиллэр.

### *Тыыннаах таас уонна сибэтий норуот*

**2** Онон бары өс санааны, уодаыны, сирэй көрбөх быһыны, ордук санааныны, холуннарсыны киэр анъян, <sup>2</sup> быынаар курдук үүнэн тахсар туңгар, санга төрөөбүт кыһыл ојолуу, Тангара тылын ыраас үтүн иһэргэ дылуунг. <sup>3</sup> Айыы Тойон хайдахтаах курдук үтүөтүн эниги хайыы-үйэ билбиккит. <sup>4</sup> Онон кэлинг, чугааан Киниэхэ – дьон киэр анныбыт, оттон Тангара талан ылбыт күндү Тыыннаах Тааныгар! <sup>5</sup> Уонна бэйэбүт эмиэ тыыннаах таастар буолангыт, Тангара сөбүлүүр духуобунай сиэртибэтин Иисус Христоунан биэрэр Кини сибэтий үлэһиттэрэ буолар туңгар, духуобунай дыиэ буола үүнэн-үрдээн иһин. <sup>6</sup> Суруйууларга этиллэр: «Көр бу, муннук тутаах таанын – талыллыбыт, күндү тааны – Мин Сионгна олук ууран эрэбин; Кинини итэбэйэр кини кыбыстыыга кириэ суюба». <sup>7</sup> Кини эниэхэ, итэбэйээчилэргэ, – күндү таас, оттон итэбэйбэйттэргэ – «тутааччылар бырахпыйт таастара»; ол эрээри бу таас кэлин «муннук тутаах тааны буолла»; өссө этиллэр: «Бу – дьон ингнэр тааны, охтор очуоха» диэн. <sup>8</sup> Онон Тангара тылын истэр эрээри, бас бэrim-мэт дьон бүдүрүйэллэр – кинилэр анабыллара оннук.

<sup>9</sup> Оттон эниги талыллыбыт аймак – Ыраахтааы дыиэтин кэртэнэ, Тангара үлэһиттэрэ, сибэтий норуот, энигини харангаттан килбиэннээх сырдыгар ынгырыбыт Тангара үтүөкэн дьайылырын биллэрэргэ талыллыбыт Кини Бэйэтин тус дьоно – буола-быт. <sup>10</sup> Xahan эрэ эниги норуот буолбатах этигит, оттон билигин Тангара норуота буоллутут; ханан эрэ Тангара аһыныгас сыйынан билбэт этигит, оттон билигин ону биллигит.

### *Тангара кулумтара*

<sup>11</sup> Таптыыр бырааттарыам! Бу дойдуга эниги кэлии дьон, ааһан иһэр айаннныыт эрэ буоларгыт быһытынан, көрдөһөбүн: дуу-хаңтыгар утары турар эт-хаан кыдыктытарыттан тэйэ туттун,

## 1 ПЕТР 2

<sup>12</sup> Тангараны итэбэйбэт дьон ортолоругар үтүөкэн олојунан олорунг; оччођо, үтүөнү онгороргутун көрдөхтөрүнэ, эһигини хара санаалахтар диэн үөхпүттэрин да иһин, Тангараны кэлэр Күнүгээр айхаллыахтара.

<sup>13</sup> Онон дьон олохтообут ханнык бађарар салалтатыгар Айын Тойон туһугар бас бэринин: үрдүкү былааска – ыраахтааыга да, <sup>14</sup> буруйу онгорооччулары буруйдуур, үтүөнү онгорооччулары көбүлүүр Кини баылыктарыгар даҗаны. <sup>15</sup> Өйө суюх нүүдүү-байлай дьон ону-маны тыллаһытын биһиги үтүөнү онгорон тохтоторбутугар Тангара бађарар, <sup>16</sup> онон көнгүл дьон быһытынан олорунг, көнгүлү туһанан мөкү быһыны кистэнэрдии буолбакка, Тангара кулуттарыны. <sup>17</sup> Барыларын ытыктаан, бырааттарытын таптаан, Тангараттан толлунг, ыраахтааыга ытыктабыллаахтык сыйыннаннаһын.

### *Эрэйи-мунгу көрбүт Христос холобура*

<sup>18</sup> Эһиги, үлэһиттэр, үтүө, сымнаംас тойотторгутун эрэ буолбатах, хаҕыстары эмиэ ытыктаан, кинилэргэ бас бэринин.

<sup>19</sup> Олођо суюх атаџастабылга түбэһэн баран, Тангараны санаан эрэйи-мунгу тулуйар киһи, Кини хайҕалын ылышаа. <sup>20</sup> Онгорбут буруйгут иһин кырбанаргытын тулуйар буоллаххытына, эниэхэ туох хайҕала кэлиэхтээжий? Оттон үтүөнү онгоро сылдъян эрэй-дэнэргитин тулуйар буоллаххытына, Тангара алгынын ылышаххыт.

<sup>21</sup> Тангара эһигини тулуурдаах буоларга ыңғырыта, тођо диэтэххэ, Христос эмиэ, Кини суюунан баарбыт туһугар биһиэхэ\* холобур көрдөрөн, биһиги туспутугар эрэйдэммитэ. <sup>22</sup> «Кини туох да аныыны-буруйу онгорботођо, биир да сымыйа тылы санграбатаа». <sup>23</sup> Үөбүллэ сылдъян үөхсүүнэн хардарбатаа, эрэйи-мунгу көрө сылдъян кими да саамматаа – ону барытын Кырдыктаах Судь兵团а эрэнэн туттарара. <sup>24</sup> Биһиги аныыыттан босхолонон кырдык иһин олорорбут туһугар, Кини биһи аныыбытын-буруйбутун санныгар сүгэн кириэскэ танаарбыта: Кини бааҕыран, эһиги үтүөрбүккүт. <sup>25</sup> Xahan эрэ эһиги Маныыыта суюх муна-тэнэ сылдъар барааннар курдук этигит, оттон билигин Маныыыкка – дууһаҕытын Арангаччылааччыга – төнүннүүт.

\* 2:21 *Биһиэхэ* – сорох былыргы гректии илиинэн суройууга «эһиэхэ».

*Эр-оюх сиынанын туңунан*

**З**<sup>1-2</sup> Ол курдук, Тангара тылын ылыммат эрдээх дъахталлар эмиэ, эрдэргит эниги Тангараттан толлор ыраас олоххутун көрөн, биир тылы этиппэккэ, итэёли ылышалларын туңугар, кинилэргэ бас бэрининг.<sup>3</sup> Тас көстүүгүт – баттаххыт чочуонай онгоуута, кыныл көмүс симэххит, сиэдэрэй тангаскыт-сапкыт – эниги киэргэлгит буолбатын,<sup>4</sup> ол оннугар сүрэххит ис дынгэ, сымнаңас холку майгыгыт кэхтибэт кэрэтэ энигини киэргэтийн. Бу буолар – Тангара иннигэр күндү киэргэл.<sup>5</sup> Ол курдук урут Тангараңа эрэнэр сибэтий дъахталлар эмиэ эрдэригэр бас бэринэн, бэйэлэрийн итинник киэргэтийнэллэрэ.<sup>6</sup> Сарра Авраамы тойонум диэн ааттаан, киниэхэ бас бэринэрэ. Эниги эмиэ туюхтан да чаңыйан турбакка үтүөнү онгорор буоллаххытына, кини оюлоро буолаңыт.

<sup>7</sup> Ол курдук, эниги эр дьон эмиэ, кэргэтийн турганнарын өйдөөн турсан, кинилэргэ үтүөтүк сиынаннаңын; кэргэтийн эмиэ эниги курдук илгэлээх олохко киирэллэрийн быһытынан, үнэр үнүүгүт мэһэйэ суюх буоларын туңугар, кинилэри ытыктаан.

*Кырдык иһин эрэйдэни*

<sup>8</sup> Тиһэйэр, бары биир өйдөөх-санаалаах, аһыныгас, бэйэ-бэйэхитин таптыыр, амарах, эйэхэс\*, сэмэй буолун;<sup>9</sup> куһаңанга куһаңанынан, үөхсүүгэ үөхсүүнэн хардарыман; төттөрүтүн, алгыны ыларга ыңгырлыбыккытын билэ сылдьан, энигини ата-жастааччылары алдаан.<sup>10</sup> Олобу таптыыр, үтүө күннэри көрүөн баџарар киши куһаңаны сангарартан, албыны тыллахартан туттуннун;<sup>11</sup> куһаңантан тэйэн биэринг, үтүөнү онгорун, эйэни көрдөөнг, эйэхэ дьюлуунг.<sup>12</sup> Айыы Тойон хараңа кырдыктаах дьонгено туңуланар, кулгааңа кинилэр үнгэллэрийн истэр, оттон хара дъайдыаахтык быһылананааччыларга Айыы Тойон утары турунар».

<sup>13</sup> Оскөтүн эниги үтүө дыяала иһин кыһаллар-мүһэллэр буоллаххытына, ким эниэхэ куһаңаны онгоруо ёй?<sup>14</sup> Оттон кырдык туңугар эрэйдэнэр да буоллаххытына, эниги алгыстааххыт; онон

\* 3:8 Эйэхэс – сорох былыргы гректии илиинэн суройууга бу тыл суюх.

## 1 ПЕТР 4

кинилэртэн қуттаныманг, симиттэн туруманг.<sup>15</sup> Айыы Тойон Тангараны\* ис сүрэххитинэн ытыктаанг; эңиги эрэлгитин туохулаа чыларга көрсүтүк, ытыктабыллаахтык хоруйдуурга өрүүтүн бэлэм буолунг.<sup>16</sup> Үтүө суобастаахтык олорунг, оччою эңигини хара санаалаахтар дизэн үөбэллэриттэн Христоңу итэжэйэр үтүө олоххутун баңааңырдааччылар бэйэлэрэ қыбыстыахтара.<sup>17</sup> Ол эбэтэр, қунаңын онгорон эрэйдэниэхтээжээр, Тангара көнгүлүнэн буоллаңына, үтүөнү онгоро сылдьан эрэйдэммит ордук;<sup>18</sup> Христос эмиэ биирдэ букатыннаахтык, биңигини Тангараңа аҗалаары, Бэйэтэ Кырдыксыт эрээри, аныылаахтар биңиги туспутугар, биңиги буруйбуутун боруостаан, эрэйи-муңу көрбүтэ; этин-сиинин өлөрбүттэрэ эрээри, Кини тыынынан тиллибитэ,<sup>19</sup> уонна эмиэ тыынынан аллара түһэн, харангаңа хаайылла сыйтар өлбүттэргэ Тангара тылын инигиннэрбитэ.<sup>20</sup> Ол ханаң эрэ Тангараңа бас бэrimмэтэх дьон этилэр, Тангара кинилэри Ной ковчега тутуллан бүтүөр дзэри тулуурдаахтык көһүпүгтэ да, ковчег иһигэр киирбит аյыяах киңи, аյыс эрэ дууһа, тыыннаах орпуга.<sup>21</sup> Бу барыта – эңигини быыңыыр сүрэхтэний уобараңа. Сүрэхтэний – эт кириң суунуу буолбатах, Тангараңа үтүө суобаңы эрэннэрии – Иисус Христос тиллиитинэн биңигини быыңыыр.<sup>22</sup> Кини билигин халлаангна Тангара уңа өттүгэр олорор; Киниэх Аанньаллар, халлааннааңы былаастар, күүстэр – бука бары бас бэrimмиттэрэ.

### *Итэжэйэеччилэр олохторо чынха атын буолуохтаах*

**4** <sup>1-2</sup>Онон, Христос биңиги туспутугар этинэн-хаанынан эрэйтээммитин курдук, эңиги эмиэ соннук санаанан сэбилэниэхтээхит. Этинэн-хаанынан эрэйдэнэр киңи сиргэ олороро хаалбыт кэмин имэн кыдышгар биэрбэkkэ, Тангара ыйарынан олоруухтаах, аныыны онгорорун тохтуохтаах.<sup>3</sup> Урут, олоххут ааспыт кэмигэр, Тангараны билбэт омуктар курдук кирдээх олоххо, араас дъаллыкка, арыгыга ылларан – исkit үйарынан ахаан-сиен, эмэгэттэргэ сүгүрүйэн түктэри быыылана сылдыбыккыт да сөп буолую.<sup>4</sup> Итэжэйбэт дьон аны билигин эңиги кинилэрдинн содурдук быыыламмат буолбуккуун дыибэргийиллэр, ол иин эңигини үөбэллэр.<sup>5</sup> Кинилэр бэрт сотору өлбүтү-тыыннааңы

\* 3:15 *Айыы Тойон Тангараны* – сорох былыргы гректии илиинэн суройууга «Айыы Тойон Христоңу».

## 1 ПЕТР 4

барытын дъүллүүр Судьйаңа эппиэттиэхтэрэ. <sup>6</sup>Дъэ ол иһин, эт-тэнэн-хааннанан олорбут олохторугар дъон быһытынан дъүллэнэн баран, Тангара көнгүлүн хоту тыыннарынан олороллорун туңгар, Евангелие өлбүт дъонгно кытта иһитиннэриллибитэ.

<sup>7</sup>Ол эрээри туюх барыта бүтэр уһуга чугааата. Онон эһиги ёйдөөхтүк-төйдөөхтүк олорун, сэргэхтик үнэ сыйдынг. <sup>8</sup>Туюх-тааџар да бэйэ-бэйэжитин ис сүрэххиттэн таптаанг. Таптал үгүс аныыны-хараны бырастыы гыннаар. <sup>9</sup>Ханык да мунгаты-йыта суох бэйэ-бэйэжитигэр ыалдыштымсах буолунг. <sup>10</sup>Тангара биэрэр араас дьоҕурунан үтүөнү онгорорго анаан туроуруллубут дъон быһытынан, биирдии бэйэжит Киниттэн ылбыт ураты дьоҕургутунан бэйэ-бэйэжитигэр туналанаңг. <sup>11</sup>Ким тылын иһитиннэрэр, үөрэтэр дьоҕурдаах, ол Тангара тылын иһитиннэрдин; ким сулууспалыыр, ол Тангара биэрэр кыаџынан сулууспалаа-тын. Барыта Иисус Христоунан Тангара албан аатыраын туңгар буолуухтаах. Киниэхэ үйэттэн үйэжэ албан аат буолуух-тун, Кини былааһа туругура туроухтун! Аминь.

### *Христос эрэйин үллэстши*

<sup>12</sup>Таптыыр бырааттарым! Эһигини уотунан тургутар быһыы-га-майғыга түбэстэххитинэ, дыктиргээмэн, атаарбыы санааман, <sup>13</sup>хата ол оннугар, Христос эрэйин-мунун үллэстэбит диэн үөрэр буолун, оччою Кини килбиэннээх кэлиитигэр эһиги өрөгөйдүү үөрүөххүт. <sup>14</sup>Христос аатын туңуттан эһигини үөбэр-хомуруйар буоллахтарына, эһиги алгыстанаңыт: ол аата эһиэхэ албан аат-таах Тыын, Тангара Тыына баар. Анараангылар Кини аатын ба-хааџырдаллар, оттон эһиги Кинини албан аатырдаңыт. <sup>15</sup>Эһи-гиттэн ким да киини өлөрөн, уоран, куһаџаны онорон эбэтэр аатын киини бас билиитигэр суудайан\* эрэ сору көрбөтөр; <sup>16</sup>от-тон христианин быһытынан эрэйи-кыһалҹаны көрөртөн кы-быстыман, хата Христос аатын сүгэбит диэн, Тангараңа махта-нынг. <sup>17</sup>Дъүллээхини Тангара Бэйэтин дьонуттан саҗалыаңа; өс-көтүн дъүл мангнай биһигиттэн саҗаланар буоллајына, Тангара Евангелиетын ылыммат дьону дъэ ханык бүтэр уһук күүтэрэ буолуой? <sup>18</sup>«Бэл, кырдыксыт эрэйинэн быһанар, оччою итэ-ђэлэ суох аныылаах киини хайдах буолуођай?»

\* 4:15 *Атын киини бас билиитигэр суудайан – эбэтэр «донуосчут буолан».*

## 1 ПЕТР 5

<sup>19</sup>Онон Тангара көнүлүнэн эрэйи көрөр дьон үтүөнү огонрон, Киниэхэ, эппит тылын толорор эрэбиллээх Айааччыга, олохторун туттардыннаар.

### *Тангара поруотугар кынамны*

**5** Эниги пресвительдаргыттытан, мин бэйэм эмиэ пресвитель, Христос тулуйбуут эрэйин-мунгун туохута, субу көстүөхтээх кэрэмэн килбиэнгүй бииргэ тиксиэхтээбим быннытынан, көрдөхөбүн: <sup>2</sup> Тангара эниги көрүүгүтүгэр-харайыгыгытгар туттарбыт барааны үөрүн күнгүлэн кынайытынан буолбакка, Тангааны үөрдэрдийн, бэйэбүт үтүө бацаатыттан, барыстанар сааттаах санааттан буолбакка, ис сүрэххиттэн көрүн-истин. <sup>3</sup> Эниги харалтаатыгыгар бэриллибит үөргэ тойоржообокко, бэйэбүтийнэн туохха барытгар холобур буолун. <sup>4</sup>Дьэ оччою Урдүкү Маныныт тиййэн кэллэжинэ, эниги албан аат кэхтибэт мэннүйэхин кэтиэххит.

<sup>5</sup> Эниги, эдэрдэр эмиэ, пресвительдаргыт тылларын истин. Бука бары бэйэ-бэйэбүтигэр бас бэринэр сыйтыары майгылаах сэмэй буолун, тоёо диэтэххэ, «Тангара үрдүктүк сананааччыларга утaryлаар, оттон сэмэйдэргэ үтүөтүк сыйыннаар».

<sup>6</sup> Онон кэмэ кэллэжинэ Тангара энигини үрдүктүк тутарын түнгэр, Киниэхэ улгумнук бас бэринин. <sup>7</sup>Кини эниги тускутугар кыналлар, онон тухаар кыналдаатын барытын Киниэхэ сүктэринг. <sup>8</sup>Өйдөөн-төйдөөн сылдын, сэрэхтээх буолун: өс-төөххүт адьарай кими эмэ булан мэнгийстээри тула эргийэ, хахайдыы хаңытыы сылдьар. <sup>9</sup>Биир итэбэллээх бырааттаргыт аан дойду үрдүнэн эмиэ маннык эрэйи көрсөллөрүн билэн туран, киниэхэ, адьарайга, бигэ итэбэлгитинэн утaryлаын. <sup>10</sup>Биñгини, Христос Иисуын итэбэйбittэри, үйэлэргэ өлбөөдүйбэт килбиэннээх сырдыгыгар ынгырбыт Тангара – бары илгэлээх үтүөнү Биэрээччи – энигини, быстах кэмнээ эрэйдэм-миккит кэннэ, Бэйэтинэн энгилэ суюх гынан бөхөргөтүөхтүн, күүс-сэниэ киллэрэн халбаннаабат онгоруохтун\*. <sup>11</sup>Киниэхэ

\* <sup>5:10</sup> Бэйэтинэн энгилэ суюх гынан бөхөргөтүөхтүн, күүс-сэниэ киллэрэн халбаннаабат онгоруохтун – сорох былыргы гректии илиинэн суруйуга «Бэйэтинэн энгилэ суюх гынан бөхөргөтүө, күүс-сэниэ киллэрэн халбаннаабат онгоруо».

## 1 ПЕТР 5

---

үйэттэн үйэлэр тухары албан аат буолуохтун, Кини былаана туругута туруохтун! Аминь.

<sup>12</sup> Бу кылгас сурукпун эһигини бөхөргөтөөрү, манна эппитим барыта Таңара дынг илгэлээх үтүөтэ буоларын бигэргэтээри, бэринийилэх диэн эрэнэр киһим, бырааккыт Силуан, көмөтүнэн сурудум. Онон маны бигэтик тутуунг.

<sup>13</sup> Эмиэ эһиги қурдук талыллыбыт Вавилоннааӡы балтыгыт уонна уолум Марк эниэхэ эбэрдэ ыыталлар. <sup>14</sup> Бэйэ-бэйэбигин талтал уураһытынан эбэрдэлэһинг. Эһигиннийн, Христос Иисустуун\* биир буолбуттардыын бука барыгытынын, эйэ энээрдэхиэхтин. Аминь\*\*.

---

\* 5:14 *Христос Иисустуун* – сорох былыргы гректии илиинэн суруйууга «Христостуун».

\*\* 5:14 *Аминь* – сорох былыргы гректии илиинэн суруйууга бу тыл суюх.